



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber Theologiæ Moralis, Viginti Qvatvor Societatis Iesv Doctoribvs Reseratvs

Escobar y Mendoza, Antonio de

Lvgdvni, 1659

III. Quidnam in Feudo succedant.

urn:nbn:de:hbz:466:1-41066

investituram agit vasallus ad possessionem; at in antiquo agit tantum, ut investitura renouetur. Tertio, eiusmodi actio competit etiam haeredi vasalli contra haereditatem domini, si laicus fuerit, qui investitur; at si Ecclesiasticus fuerit, non cogitur successor in Ecclesia confirmare. Quarto, si feudale praedium cuiusdam fuerit, liberum est vasallo, agere contra dominum, ac si feudum traditum non fuisset. Quinto, vasallus graui iniuria à domino suo affectus, actionem habet, qua petit immunitatem ab omni obsequio.

10. *Actiones domini contra vasallum exprimas precor.* Primo, est ei directa rei vindicatio. Secundo, ut debitum praestetur obsequium. Tertio, si feudum sit apertum, hoc est deuolutum ad dominum, culpa vasalli, ager contra ipsum repetendo feudum, & dicitur traditio rei ob causam. Quarto si vasallus vendidisset feudum, inuito domino, competit ei contra emptorem rei vindicatio.

CAPVT III.

Quinam in Feudo succedant.

11. *Quinam sunt inhabiles feudi successioni?* Inhabiles sunt capti aliqui membro. *Fœmina?* Regulariter non admittuntur nisi exprimentur, aut nisi feudum fœmineum sit, vel omnino francum, & liberum. Nec admittuntur descendentes ex fœminis. Masculus natus ex linea fœminea fœminam excludit, & fœmina semel exclusa semper exclusa est. *Uterini fratres?* Non succedunt.

12. *Quinam autem habiles sunt?* Masculi filij succedunt in feudo ceteris exclusis. *Filij adsunt ex duobus matrimonijs.* Praeferendi in feudo sunt ij, qui sunt ex priori, nisi qualitas feudi aliud suaderet. *Nepotes?* Succedunt cum filiis in stirpes.

13. *An succedant illegitimi?* Minimè; sed naturales facti legitimi per subsequens matrimonium, succedunt.

14. *Succedunt ne filij aequaliter in feudo?* Ita planè, nec ascendentes deficientibus descendentes succedunt; nisi fuerit expressum in investitura. *Lateralesne?* Deficientibus liberis, succedunt, modo feudum paternum sit, & antiquum.

15. *Germanus ne excludit consanguineum?* Non excludit. *Quid de Clerico?* Iam ordinatus in sacris, vel beneficiarius potest feudum paternum retinere. Si non erat ordinatus, eo ipso repudiare videtur quod transit ad statum, in quo personaliter seruire non potest.

16. *De Religioso autem quidnam?* Post professionem feudum amittit agnatis propinquioribus, nisi seruitium, quod feudum requirit, præstari possit à Monacho, vel Monasterio decenter. *Succedunt ne extranei?* Ex verbis quidem, quibus inuestitura concipitur, cognoscendum est.

17. *Quandònam feudum finiatur?* Finitur quidem tum culpa vasalli in dominum: tum culpa vasalli in alium: tum absque vasalli culpa, v. gr. morte sine legitimis filiis, renunciatione, professione Religionis, vel præscriptione alterius per annos triginta.

18. *Ad quemnam deuoluitur feudum?* Deuoluitur ad dominum si vasalli culpa finiatur in dominum, vel in alium. Deuoluitur autem ad fiscum quando ob culpam vasalli in alium *vasallus delinquit contra dominum* bona illius ipso iure confiscata essent.

19. *Melioramenta autem facta ad quemnam pertinent?* Si vasalli industria facta sunt, reuerso prædio ad dominum pertinent ad vasallum. Est tamen liberum domino soluere estimationem. Incrementum autem quod non industria vasalli accessit ad feudum, pertinet ad dominum. *Fructus verò rei feudalis?* Pertinent ad vasallum.

20. *Quinam iudex competens in feudalibus causis?* Si lis sit inter duos vasallos de feudo, quinam iudex? Erit dominus. Si lis inter vasallum & dominum? Curia pares litem diriment ex vtriusque placito.

21. *Si lis inter vasallum & alium non vasallum?* Ordinarius loci iudicabit iudex. Si dominus sit suspectus, dum lis est inter vasallos? Pares Curia iudicant, nisi etiam hi suspecti sint, tunc enim ordinarius loci iudex est.

22. *Quid si vasalli inuestiti sint ab Imperatore, Rege, aut Principe?* Ab ipsis iudicantur. Lis est inter vasallos Clericos vel unum Clericum & alium laicum: vel inter vasallum Clericum & dominum. Iudex est dominus; iura enim feudorum per Romanum Pontificem sic sunt approbata.

23. *Quaestio possessoria est de feudo inter vasallos, vel inter dominum & vasallum.* Iudex competens dominus feudi est.

24. *Dominus feudi, vel pares Curia recusant, seu iudicare non possunt.* Tunc equidem penes loci Ordinarium est iudicium. Dominus feudi est Clericus, & non vult inter vasallos laicos iudicare. Iudicium ad Ecclesiasticum superiorem deuoluatur. *Quid de appellatione in feudali controuersia?* Ad dominum superiorem facienda est.